

**Димитрий**

**Сочинения святого Димитрия**

**Часть 4. Отделения 1-3**

УДК 291  
ББК 86.3  
Д46

Д46 **Димитрий**  
Сочинения святого Димитрия: Часть 4. Отделения 1-3 / Димитрий – М.: Книга по Требованию, 2024. – 698 с.

**ISBN 978-5-458-11128-7**

Часть 4, содержащая в себе Летопись, сказующую деяния от начал мира бытия до Рождества Христова, собранная из Божественного писания, из различных хронографов и историографов греческих, словенских, римских, польских, еврейских и прочих, с настоящего подлинника, писанного собственною Святителя рукою. Сия летопись разделяется на три отделения: в первом от начала мира до третьей тысячи осьмого ста лет. Во втором от смерти Ноевой до Авраама, Исаака и Якова. В третьем краткое описание Славенского народа до государя царя Федора Алексеевича. Издание седьмое.

**ISBN 978-5-458-11128-7**

© Издание на русском языке, оформление  
«УОУО Media», 2024  
© Издание на русском языке, оцифровка,  
«Книга по Требованию», 2024

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Дамаскинъ , первѣе умному существу создаться , таже чувственному, и тогда изъ обоихъ человѣку.“

Не безмѣстно же есть и о Ангелахъ , мало нѣчто рещи простѣйшихъ ради.

О созданіи Ангеловъ святой Григорій Богословъ ска-  
зуетъ, яко произыдоша Ангели отъ Бога якоже лучи  
отъ солнца, прежде вся твари: и составишася свѣты  
вторыи, слуги перваго свѣта Бога. А святой Григорій  
*Бесѣдовникъ* глаголетъ : „произыдоша Ангели отъ Бога,  
якоже искры отъ кремене. Создавъ же я Господь по  
образу своему (якоже послѣде и душу человѣческую) и  
по подобію разумны, самовластны, безсмертны, въ началѣ  
остави ихъ несовершенныхъ въ блаженствѣ, не утверж-  
денныхъ въ таковой благодати, еже бы имъ не возможи  
согрѣшити: но даде имъ нѣкое время, въ неже, яко  
самовластныи, полную волю имущи, можаху у Господа  
или заслужитися и преуспѣти, получивше совершенную  
благодать, или прослужитися и пасти въ гнѣвъ Божій.  
Тѣмъ временемъ единъ отъ Ангеловъ начальнѣйшій пре-  
вознесся гордынею, восхотѣ равенъ быти Богу, рече во  
умѣ своемъ: *на небо (эмпирейское, идѣже престолъ Божій)*  
*взыду, и выше звѣздъ небесныхъ поставлю престолъ мой,*  
*и буду равенъ Вышнему.* Вину же тоя Ангельскія гордыни  
нѣцныи отъ Богословцовъ сказуютъ быти сицевую: аки бы  
Господь Богъ открылъ бѣ Ангеломъ тайну воплощенія Слова,  
имже имѣ соединитися Божество съ человѣчествомъ въ лицѣ  
Христовомъ, емуже все естество Ангельское долженствуетъ  
кланятися. Единъ убо отъ большихъ Ангелъ, глаголемый  
свѣтоносный, разсмотря высоту и славу естества своего  
Ангельскаго, разсуждая же худость имѣвшаго быти брѣн-  
наго естества человѣческаго, разгордѣся и умысли не  
поклонитися хотящему воплотитися Богу Слову, и рече  
въ себѣ: *на небо взыду, и буду подобенъ Вышнему.*

Сіє же о откровеніи тайны воплощенія Слова Ангеломъ умствование оныя Богословцы производять отъ сего Писанія: Святый Апостолъ Павелъ въ посланіи ко Евреомъ, въ главѣ 1 пишетъ: *егда же пакы вводитъ Первороднаго во вселенную, глаголетъ: и да поклонятся Ему вси Ангели Божіи*. То реченіе, пакы, разсуждающе, наводятъ, яко дважды Сынъ Божій введенъ бысть во вселенную. Первое чрезъ откровеніе Ангеломъ о воплощеніи того, еже бѣ въ началѣ Ангельскаго созданія; второе же, чрезъ самое воплощеніе: во обоихъ же тѣхъ ввожденіяхъ повелѣся Ангеломъ, да поклонятся Ему. Въ первомъ да поклонятся вѣрою, яко да вѣруютъ имущаго воплотитися Бога Слова, Емуже должны служатъ кланяться; во второмъ же ввожденіи да поклонятся самымъ дѣломъ, и то того ради Апостолъ глаголетъ: *егда же пакы, сієсть вторицею, вводитъ Первороднаго, изъясняя двоекратное Того ввожденіе, первѣ Ангеломъ въ началѣ тѣхъ бывшее, таже человекомъ на кончинѣ лѣтъ*. Явѣ убо есть, яко откровенна бѣ Ангеломъ тайна воплощенія. Тоже умствование производять и отъ словесъ самаго Христа, ко Іудеомъ рекшаго: *вы отъ отца діавола есте, и похоти отца вашего хотите творити: онъ человекоубійца бѣ искони* (а), Іудеи бо хотяху Христа убить. Аще же Іудеи въ томъ своемъ хотѣніи подражаху отца своего діавола, искони человекоубійцу бывша; наводится отсюда, яко діаволъ искони въ началѣ ангельства своего, еще во свѣтоносіи своемъ бывши, хотяше Христа, вочеловѣчитися имѣвши, убить: сієсть, человекоубійственно нанъ враждоваше, аще бы возможно ему погубить того и воничтожити. Враждоваше же увѣдавши чрезъ откровеніе о воплощеніи Христовомъ: убо явленна бѣ Ангеломъ воплощенія тайна. Тако Богословцы оныи гадательствуютъ. Но понеже древнѣйшіи о томъ не писа-

---

(а) Іоан. VIII, ст. 44.

ша, убо ниже мы утверждаемъ. Вѣмы же, яко гордынею ангелъ оный со единомысленики своими прогнѣда Бога Создателя своего, и отпаде Ангельскія славы, праведнымъ судомъ Божиимъ низверженъ бывъ отъ свѣта во тьму, отъ небесъ во адъ, отъ Ангельства въ діавольство, и паде съ небеси съ третією частію аггеловъ, яже волею приложишася ему. О чемъ пишется во Апокалѹписѣ: *хоботъ его отторже третію часть звѣздъ небесныхъ* (а); еже разумѣтся о аггелахъ отпадшихъ съ сатаною. Въ таковой богопрогнѣвательный гордыни грѣхъ входити дерзающимъ ангеламъ онѣмъ, прочіи Святіи Ангели, иже со свѣтымъ Архистратигомъ Михаиломъ, и инѣми чиноначальники стаща крѣпко при Господѣ Бозѣ Создателѣ своемъ, и сопротивившеся гордящемуся, брань съ нимъ сотвориша, якоже пишется: *брань бысть на небеси, Михаилъ и Ангели его брань сотвориша со змѣю, и сверженъ бысть змѣй великій* (б); а Святіи Ангелы побѣдную пѣснь торжественно воспѣша, славяще Бога: *Святъ, святъ, святъ Господь Саваоѣ!* Тогда Ангелы святіи, яко вѣрныи Божіи слуги, пріяша отъ Создателя блаженство совершенное. Дадеся бо имъ такова благодать, яко прочее никакоже возможи имъ согрѣшити предъ Богомъ, но выну того волю святую совершати, глаголющу Псаломнику: *слуги его творящии волю его* (в). Отпадшіи же аггелы въ толикое ожесточеніе вложишася, яко никогдаже возможно имъ пріити въ покаяніе. Намъ же отсюду вѣдати буди, яко отъ негоже отъемлется грѣховъ ради благодать Божія, той приходитъ во ожесточеніе, ниже радить о душѣ своей. Еще же и сіе да вѣмы, яко и Святіи Ангелы, первыи по благодати сынове Божіи, не безъ заслугъ получиша отъ Бога вѣчное Ангельства своего блаженство, но первѣе явиша вѣрную Господеви своему службу, якоже речеся: *кольми паче намъ*

---

(а) Апок. XII, ст. 4. (б) Тамъ же ст. 7 и 9. (в) Псал. CII, ст. 21.

бреннымъ и грѣшнымъ трудитися, донелѣже время имамы, подобаетъ, да части онѣхъ сподобимся.

Прочее о Святыхъ Ангелахъ вѣдати хотяй, да зрѣти въ первой тримѣсячной житїи Святыхъ книзѣ, мѣсяца Носмврїа въ осьмый день, тамо довольно написася: намъ же здѣ къ видимому созданію обратитися предлежитъ.

Возсіявшу же свѣту во тьмѣ бездненной, раздѣли Богъ свѣтъ отъ тьмы, и нарече свѣтъ днемъ, а тьму именова нощїю. И бысть то день первый, егоже мы нынѣ нарицаемъ Недѣлею, и мѣсяць первый, иже потомъ нареченъ бысть Мартъ, и число мѣсяца того первое.

Но да не умножимъ словесъ, повѣствующе подробну о созданїи и украшенїи всея видимыя твари, о чемъ довольно и пространно, якоже святой Моусей въ первой своей Бытейской книзѣ, сице и иныи мнози уже написаша. Изволяяи да чтеть Шестодневникъ святаго Василїа великаго, и Дамаскинову о вѣрѣ и народодѣтельствѣ книгу; такожде и Хронографъ куръ Дорооея Митрополита Монеувасїйскаго, съ Греческаго недавними лѣты (въ царство Благочестиваго Царя Алексїа Михайловича) переведенный, и иныи Славянскїи и иностранныи Хронографы и Исторїографы. Намъ же вкратцѣ писати предложившимъ, довѣетъ вспомнѣти точїю сіе, яко Создатель по первомъ дни, во второй день, егоже мы нынѣ нарицаемъ Понедѣльникомъ, небеса всесильнымъ Словомъ своимъ отъ водъ бездныхъ произведе, якоже глаголется во Псалмѣ: *Словомъ Господнимъ небеса*



*утвердишася, и Духомъ устъ его вся сила ихъ* (а).

Въ третій, нарицаемый отъ насъ Вторникъ, собравъ воды въ совокупленіе едино, явилъ есть сушу, и нарече землю, и сотвори ю прозябати сѣмена, и всяку траву, и дрѣвеса растити.

Въ четвертый день, егоже мы зовемъ Среда, сотвори два свѣтила велицыи на небеси, солнце и луну, такоже и звѣзды.

Въ пятый день, иже отъ насъ Четвертокъ именуется, созда рыбы и гады водныя, и птицы отъ воды произведе.

Въ шестый, иже у насъ есть Пятокъ, созда звѣри, скоты и гады земныя, по роду ихъ: послѣди же всѣхъ тварей созда *Адама и Еву*, и введе я въ рай пищный.

А въ седьмый день почи Богъ отъ всѣхъ дѣлъ своихъ, и наречѣся день той Суббота, сіесть покой, яко почи въ онъ Создатель; и освятилъ есть день оный, якоже пишется о томъ въ книзѣ Исхода, въ главѣ 20.

Прешедшу же ветхому Закону, а новой Благодати наставшей, честь и святыня дне седьмаго субботнаго преиде на день первый недѣльный, Христова ради въ онъ пресвѣтлаго Воскресенія.

Сице о созданіи всѣхъ зримыхъ тварей, шестью днями расположенныхъ, вкратцѣ рекше, не бесполезно

---

(а) Псал. XXXII, ст. 6.

сотворимъ, аще начнемъ поне мало нѣчто въ тѣхъ поучатися, по подобію Давида, глаголющаго: *поучихся во всѣхъ дѣлѣхъ твоихъ, въ твореніихъ руку твою поучахся* (а). Чесого же поучитися имамы? Познанію Бога и самихъ себе. Сиче глаголетъ святой великій Василій: „аще въ сихъ поучимся, себе самыхъ познаемъ. Бога „уразумѣемъ, Создавшему ны поклонимся, Владыцѣ по- „работаемъ, Отца прославимъ, Питателя нашего воз- „любимъ, Благодѣтеля почтимъ (б).“

Философъ нѣкій (\*) преподобнаго Антонія великаго, пустынножителя Египетскаго, человѣка некнижна бывша, вопросы глаголя: Чимъ, отче, пользуеши и утѣшаеши душу твою, лишень сущи книжнаго чтенія, отъ негоже польза душѣ бывасть и духовное утѣшеніе? Отвѣща Святой: „книга моя, о философе! есть вся видимая тварь, отъ Бога созданная; и когда либо восхожду чести словеса Божія, ту книгу самимъ Богомъ сочиненную предлагаю очесемъ моимъ, и умомъ моимъ поучаюся въ ней, и пользуюся и исполняюся духовнаго утѣшенія, радуюся о Бозѣ Спасѣ моемъ, и славлю всемогущую того силу.“ Мудръ отвѣтъ Преподобнаго старца, иже всю зримую тварь нарече книгою, въ коей книзѣ небо и земля суть яко два листы, на нихже елико прекраснѣйшаго Божія созданія видимъ, толико писменъ поучающихъ насъ о Бозѣ имамы. Красно ли есть небо съ свѣтилы своими, кольми паче краснѣйшій есть Создавый небо и свѣтила небесная? Добра есть земля съ богатствы своими; кольми паче лучшій есть Создавый землю, и вся, яже на ней? Премудръ ли устроенъ на суть вся горняя и дольная; кольми паче премудрѣйшій есть устроивый та Создатель?

---

(а) Псал. СХLII, ст. 5. (б) Въ Шестодневѣ бесѣда 6, листъ 19.

(\*) Патерикъ Египетскій.

Познаемъ же и наше недостоинство, разсмотряще, яко вся та небесная и земная наша ради временныя жизни, да служатъ намъ, созданна и устроена суть отъ Бога; несравненно же лучшая въ будущей вѣчной жизни, благостию Его уготованна суть намъ браннымъ: достойны ли есмы таковыя милости Божія, прахъ и пепель суще? И есмы ли благодарни толикихъ Его благодѣяній?

Подобіѣ и другіи великіи Отцы и учителя, по преподобномъ Антоніи бывшіи, вышепомянутый Василій Кесарійскій и Іоаннъ Златоустый, церковніи Іерарси, зримую тварь книгою нарекоша. Святый Василій къ чловѣку глаголетъ: „не иныя коея ради вины отъ Бога „созданъ еси, развѣ да органъ будещи славы Божія: ибо „міръ сей весь, аки нѣкая книга написанная есть, повѣ- „дающая славу Божію, сокровенное и невидимое Божіе „величіе собою возвѣстуетъ тебѣ, умъ имущему.“ А Златоустъ святый сказуетъ: „яко имѣй душу разумную чловѣкъ, (прежде даже не быти книгамъ,) имѣяше тварь „вмѣсто книги подлежащую посредѣ (а).“

Хотя же премудрый и преблагій Создатель разумную тварь сотворити, чловѣка, егоже ради и всю вселенную содѣла и украси, особое ему на земли и изряднѣйшее, краснѣйшее, чествѣйшее мѣсто, аки царскій градъ, имущему быти всея земли царю предуготова, Рай, глаголю, пресвѣтлый насади на востоцѣ. О чесомъ святый Іоаннъ Дамаскинъ глаголетъ сие: „понеже имяше Богъ „изъ невидимаго и видимаго зданія создати чловѣка по образу Своему и по подобію, якоже „нѣкоего царя и начальника всея земли, и

---

(а) Святый Василій великій въ *Шестодневъ*, бесѣда 11.  
Злат. на 1 Коринѣ. глава 2, бесѣда 3.

„сущихъ на ней, предпостави ему яко нѣкую цар-  
 „ственницу—рай, въ немже бы ему живущу, бла-  
 „женную и всебогатую имѣти жизнь: есть убо  
 „Божественный рай, Божиими руками во Едемѣ  
 „насажденный, веселія и душесладостія всякаго  
 „хранилище. Едемъ бо сладость толкуется, на  
 „востоцѣ вышше всея земли лежай, благораство-  
 „реннымъ воздухомъ, тончайшимъ и свѣтлѣйшимъ  
 „осіяваемый, сады присно зелеными красяйся,  
 „благовонія полнъ; и свѣта исполненъ, и красоты  
 „всякія чувствєнныя, и доброты превосходящія  
 „помысль, Божественное сущи мѣсто и достойное  
 „жилище сущаго по образу Божию чєловѣка (а).“  
 До здѣ Дамаскинъ святыи.

Красоту и доброту Богомъ насажденнаго рая, кото-  
 рый языкъ исповѣсти, или кій умъ чєловѣческій постиг-  
 нути можетъ? Обаче по Божию откровєнію нѣкимъ до-  
 стойнымъ Святымъ бывшимъ, описуется отчасти райское  
 благолѣпіе въ житіяхъ Святыхъ: изволяя да зрѣтъ мѣ-  
 сяца Октовріа во 2 день въ житіи святаго Андрея Юро-  
 диваго, и мѣсяца Ноемвріа въ 19 день въ житіи святаго  
 Іоасафа Царевича Индійскаго, и мѣсяца Септемвріа въ 11  
 день, въ житіи Преподобнаго Евфросина. Такожде и въ  
 Прологу мѣсяца Октовріа въ 5 день, въ повѣсти о ви-  
 дѣніи Космы игумена, и мѣсяца Декемвріа въ 31 день,  
 въ словѣ о нѣкоей Святѣй старицѣ постницѣ, яже отца  
 своего въ рай видѣ, матеръ же во адѣ, и на инѣхъ мно-  
 гихъ мѣстахъ красота райская описуется.

Суть нѣцыи отъ толкователей Божественнаго Писа-  
 нія Неотерики, мнящии, аки бы рай, въ немже Адамъ  
 бѣ, уже не обрѣтается, разорєнь бо бысть потопомъ.

---

(а) Дамаскин. о Прав. вѣрѣ книга 2, гл. 13.

Понеже воды потопныя всю землю, и высочайшія тоя мѣста и горы покрыли бяху, и не токмо зданія и вся дѣла рукъ человѣческихъ разориша и погубиша, но и Богомъ насажденная вся дрѣвеса, лѣсы, дубравы, сады аки тростіе положиша на земли: убо и рай земный, въ коемъ бѣ Адамъ, якоже и прочее садовіе потопными разорися водами, яже цѣлый годъ землю всю покрываху. А иже по потопѣ воспоминается рай, той не мнится быти земный, чувствомъ. человѣческимъ подлежащій, но нѣкое горнее, или на воздухѣ, или на небеси особое мѣсто, во упокоеніе душамъ Праведныхъ, отъ жизни сея отходящимъ отъ Бога уготованное, къ нему же и святой Апостолъ Павелъ восхищенъ бысть (а).

Обаче древнѣйшіи Святіи отцы, якоже Иринеи, Іустинъ, Афанасій, Епифаній, и иныи согласно глаголютъ рая земнаго, въ немже бѣ Адамъ, и нынѣ быти цѣла и нерушима; Эноха же праведнаго, и Илію Пророка въ немъ жительствующихъ. Соблуде бо Господь то мѣсто отъ водъ потопныхъ, и нынѣ соблюдаетъ цѣло; ибо аще бы потопъ рая потопилъ, то всячески и Эноха въ немъ потопилъ бы. Аще же, по мнѣнію нѣкихъ Неотериковъ, и на воздухъ восхищенъ бѣ Энохъ, и тамо держимый до престатія потопа: въ коемъ бы рай чувственномъ жилъ бы плотію доселѣ Энохъ, а съ нимъ купно и Илія? Явѣ убо есть, яко рай потопомъ невредимый соблюдается.

Не невѣрно же есть и сіе, и иная прекраснѣйшая и пресвѣтлѣйшая, кромѣ земнаго рая, мѣста, высотъ небесной и славѣ ближайшая, и человѣческимъ чувствомъ не подлежащая, во упокоеніе душамъ Праведныхъ по достоинству коейждо отъ всемогущаго Бога суть устроена. Извѣствуется бо во Евангеліи, яко *много обители суть*

---

(а) 2 Кор. XII.

у Отца небеснаго (а); еже отъ святаго Григорія Бесѣдовника разумѣти есть. Вопросившу бо Петру діакону, аще души Праведныхъ прежде пріятія тѣлесъ пріаты бывають? Отвѣща Святый: „сіе не о всѣхъ праведныхъ реши „можется, дабы абіе по исхожденіи отъ тѣла были въ „небеса пріаты: ниже паки отрицати въ совершенномъ „праведничествѣ отшедшимъ душамъ небеснаго пріятія. „Суть нѣкіихъ праведныхъ души, яже отъ небеснаго цар- „ствія нѣкіими обителями разстоятъ; вина же сего не „иная, токмо та, яко совершенныя правды оскудѣніе „нѣкое имѣяху: а яко въ совершенной правдѣ души пра- „ведныхъ отъ плотскихъ затворовъ изшедшіи, абіе въ „небесная селенія воспріемлются, сіе явленіе свѣта „есть (б).“ И прочая о томъ писанная въ его книзѣ.

Намъ же о семъ слово, яко суть и иная (кромѣ небеси, и кромѣ чувственнаго земнаго рая) мѣста свѣтлая, упокоевающая Святыхъ души: тоже видѣти есть отъ исторіи житія святаго Іоанна Златоустаго, по егоче кончинѣ бысть откровеніе Адельфію Епископу Аравитскому, иже многихъ Святыхъ учителей Церковныхъ видѣ на мѣстѣ свѣтлѣ упокоеваемыхъ, Іоанна же Златоустаго не видѣ въ нихъ, и бысть печалень. И возвѣщено бысть ему, яко Іоаннъ Божію престолу предстоитъ съ Херувимы и Серафимы. Зри о томъ Ноемвріа въ 13 день, на концѣ исторіи житія Златоустаго. Аще же душа святаго Іоанна Златоустаго Божію престолу предстоитъ съ Херувимы и Серафимы, а прочихъ учителей души на иномъ нѣкоемъ мѣстѣ свѣтлѣ упокоеваемы суть: убо явѣ извѣствуется быти и инѣмъ обителемъ Святыхъ, кромѣ самаго Небеснаго селенія.

Обаче и земный рай не безъ водворенія въ немъ душъ Святыхъ обрѣтается. Ибо и святая мученица Доро-  
 (а) Іоан. XIV, ст. 2. (б) Св. Григорій Двоесловъ кн. 4. гл. 23.